

BOSNIA AND HERCEGOVINA
FEDERATION OF BOSNIA AND HERZEGOVINA
FEDERAL ADMINISTRATION OF CIVIL PROTECTION

Broj: 07-11-13-301-8/2024
Sarajevo, 30.07.2024. godine

Na osnovu, člana 70. st. (1), (4) i (6) i člana 69. stav (3) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22) i preporuke Komisije za nabavku roba - plastični eksploziv (75 kilograma) za potrebe Federalne uprave civilne zaštite, direktor Federalne uprave civilne zaštite donosi:

ODLUKU
o otkazivanju postupka javne nabavke roba

1. Otkazuje/poništava se postupak javne nabavke roba - plastični eksploziv (75 kilograma) za potrebe Federalne uprave civilne zaštite, putem konkurentskog zahtjeva za dostavu ponuda (Obavještenje o nabavci broj: 1095-7-1-60-3-21/24 od 04.07.2024. godine), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.
2. Ova odluka biće objavljena na web stranici Federalne uprave civilne zaštite (www.fucz.gov.ba), istovremeno sa upućivanjem iste ponuđačima koji su učestvovali u postupku javne nabavke.

OBRAZLOŽENJE

Odlukom o pokretanju postupka javne nabavke, broj: 07-11-13-301/2024 od 03.07.2024. godine, pokrenut je postupak javne nabavke roba - plastični eksploziv (75 kilograma) za potrebe Federalne uprave civilne zaštite, putem konkurentskog zahtjeva za dostavu ponuda.

U skladu sa članom 35. Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22, u daljem tekstu: Zakon) Obavještenje o nabavci broj: 1095-7-1-60-3-21/24 objavljeno je na Portalu javnih nabavki (www.ejn.gov.ba) dana 04.07.2024. godine, a sažetak Obavještenja o nabavci u „Službenom glasnik BiH“ broj 49/24, dana 19.07.2024 godine.

Procijenjena vrijednost predmetne javne nabavke utvrđena je u iznosu od 25.000,00 KM bez uračunatog poreza na dodanu vrijednost (PDV).

U skladu sa Obavještenjem o nabavci i tenderskom dokumentacijom, dana 16.07.2024. godine u 12,30 sati Komisija za nabavku roba - plastični eksploziv (75 kilograma) za potrebe Federalne uprave (u daljem tekstu: Komisija) pristupila je javnom otvaranju ponuda.

Komisija je utvrdila da su primljene 2 (dvije) ponude u ispravno zatvorenim kovertama ponuđača: „INTERPROMET“ d.o.o. Vitez i „KM TRADE“ d.o.o. Visoko.

Prilikom otvaranja ponuda predsjednik Komisije je saopćio: naziv ponuđača i ukupnu cijenu pojedinačnih ponuda, te su svi potrebni podaci uneseni u Zapisnik sa otvaranja ponuda.

Nadalje, Komisija je nakon razmatranja dostavljenih ponuda, utvrdila da je ponuda ponuđača „INTERPROMET“ d.o.o. Vitez prihvatljiva, dok je ponuda ponuđača „KM TRADE“ d.o.o. Visoko neprihvatljiva, u skladu sa članom 2. stav (1) tačka 1) podtačka 2) Zakona i mišljenja Agencije za javne nabavke od 28.04.2023. godine (mišljenje dostupno na web stranici Agencije za javne nabavke BiH), iz razloga što je cijena ponude u iznosu od 37.500,00 KM bez PDV-a, veća od procijenjene vrijednosti javne nabavke, te je ista odbačena u skladu sa članom 68. stav 4. tačka j) Zakona.

Nadalje, tačkom 16. Tenderske dokumentacije predmetnog postupka javne nabavke, broj: 07-11-13-301-1/24 od 04.07.2024. godine i Obavještenjem o nabavci broj: 1095-7-1-60-

3-21/24 od 04.07.2024. godine, predviđeno je provođenje e-aukcije u informacionom sistemu e-nabavke. U skladu sa članom 5. stav (1) Pravilnika o uslovima i načinu korištenja e-aukcije („Službeni glasnik BiH“ 80/23) e-aukcija se nije mogla zakazati obzirom da je primljena jedna prihvatljiva ponuda.

Na osnovu Izvještaja o radu sa preporukom za dodjelu ugovora, broj: 07-11-13-301-5/24 od 17.07.2024. godine, donesena je Odluka o izboru najpovoljnijeg ponuđača, broj: 07-11-13-301-6/2024 od 19.07.2024. godine, kojom se Ugovor o javnoj nabavci roba predmetne javne nabavke dodjeljuje najpovoljnijem ponuđaču „INTERPROMET“ d.o.o. Vitez, za ponuđenu cijenu od 24.750,00 KM bez PDV-a (slovima: dvadesetčetirihiljade sedamstotinapedest i 00/100 kovertibilnih maraka), odnosno 28.957,50 KM (slovima: dvadesetosamhiljada devetstotinapedesetsedam i 50/100 konvertibilnih maraka). Obavještenje o rezultatima postupka je dostavljeno ponuđačima putem pošte i e-maila, dana 19.07.2024. godine.

U skladu tačkom 1.1. i 1.2. (stranica 3.) Tenderske dokumentacije predmetnog postupka javne nabavke i Obavještenjem o rezultatima postupka broj: 07-11-13-301-7/2024 od 19.07.2024. godine, izabrani ponuđač „INTERPROMET“ d.o.o. Vitez je bio u obavezi dostaviti dokumente tražene članom 45. Zakona, stav (2) tač. a) do d) u roku od tri dana od dana zaprimanja istog (original ili ovjerene fotokopije, ne starije od 3 (tri) mjeseca računajući od momenta predaje ponude).

Obzirom da je izabrani ponuđač „INTERPROMET“ d.o.o. Viteza propustio dostaviti original ili ovjerenu fotokopiju dokumenta iz člana 45. stav (2) tačka a) „Izvod iz kaznene evidencije Suda BiH, da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan“, u roku od tri dana od dana prijema obavještenja o rezultatima postupka, utvrđeno je da se radi o dokazivnim razlozima koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, zbog kojih ugovorni organ može otkazati postupak javne nabavke.

Članom 72. stav (3) Zakona propisano je da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. Zakona, ne starije od tri mjeseca od dana dostavljanja ponude, u roku koji odredi ugovorni organ.

Kako je u predmetnom postupku javne nabavke, kao prihvatljivom ocijenjena samo ponuda ponuđača „INTERPROMET“ d.o.o. Vitez, te kako nije moguće primijeniti član 72. stav (3) Zakona, Ugovorni organ je primjenom člana 69. stav (3) Zakona donio odluku kao u dispozitivu.

POUKA O PRAVNOM LIJEKU:

Protiv ove odluke, može se izjaviti žalba ugovornom organu najkasnije u roku od 5 (pet) dana od dana prijema ove odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem, ako je elektronsko sredstvo definisano kao način komunikacije u tenderskoj dokumentaciji, ili preporučenom poštanskom pošiljkom.

DOSTAVLJENO:

- „INTERPROMET“ d.o.o. Vitez
- „KM TRADE“ d.o.o. Visoko
- Tenderski dosije
- a/a

